

tie'u i nga turoro, ko te tukitukii te mana o nga tohunga, ko te whakaako i a koutou na tamariki ki a koutou i aho ai a e ako nei i tenei wa, te ata noho, te ahu whenua, te karakia, te whakarongo ki te reo o nga matua, te whakaponu.

Kei te timata mahi matou ma tatau tahi, e rongu mai na koutou kua toro nga Kaupaka o ta matou rakau. e kua nei ko Te Kotahitanga o nga tamariki o Te Kareti o Te Aute. Kei ko tata atu hoki te huihui-nga o o tatau kareti Maori, kia takote whanui ai he kaupapa mo tenei mahi nui whakaharahara, e wawafatia nei e te ngakau te hapai i to tatau iwi Maori. Ma koutou ma nga mea wahine e manaaki mai i te tuatahi, kia waiho ai ko koutou nei tohutohu, i nga tikanga mo te ropu wahine o te iwi Maori.

Kei ngakau kore ki ta koutou nei mahi, kei whakaaro koutou e kore o tatau whaea e rongu i o koutou reo, e manaaki ranci i a koutou tikanga. Kia manawanui, kua pai haere o tatau kainga, kua whanui haere nga huarahi hei takahanga ma o koutou waevae e taata ai te matauranga, te ora mo to tatau iwi. Ma te Atua koutou e awhina.

Kia ora tonu koutou. Ma te Atua e titiro iho to tatau iwi. Mana koutou, me matou e tiekie whakahaka.

Heoi. Na o koutou tungaane o te Kareti o Te Aute.

Na Ware P. Waitai me etahi atu e 52 i haina

PUKAPUKA III.

Ki Nga Etita o Te Pipiwhararoua, Tena Korua, Katabi ano au ka watea ki te tuku atu i enei kupu kia korua. No te 12 o Aperira ka tae au, te Pihopa me Te Manihera ki Te Rere, kei uta ake o Opotiki, e hui ana Te Whakatohea i reira. Ka mutu te Karakia me nga mihi ka whaikupu Te Pihopa mo Te Ropu Tono Mihinare o Te Hahi; muri iho ka ahu ona kupu mo nga whakapae a te Maori ki nga Mihinare, he mea tuku mai ratou e te pakeha hei whakawai i te iwi Maori, kia mahue ai a ratou mahi Maori, kia iwikore, kia ngawari ai te whakaunga mai o nga tikanga pakeha. He roa nga whakamarama a Te Wiremu. Torutoru nei aku Kupu Apiti atu mo ana; Ko te mea nui i kitea e au i roto i nga whakahaeere a nga Mihinare, ko te ratou manawanui, ko te a ki a tatau tikanga i

kauwhau ai o mua iho, a e haere nei. Kaore au i whakahaere i to tatau kotahitanga i roto i nga rohe o te whakatohea, he maharahara mai noo'u ki nga awa me nga huarahi kikino o Waipapu. Engari hei te raumati au hoki ai ki reira ata whakautuki ai i era rohe.

No te 12 o Aperira ka whiti mai au i Tarakeha ka haere mai i roto i te takiwa o Ngaitai, o te whanau a Apanui, tutuki noa ki Whangaparaoa i te 21 o Aperira.

Ko nga take ano i kauwhautia ki nga marae o Ngatiawa, i korerotia e au ki enei rohe, a i kaha te tautoko a nga Rangatira. Ko nga mea enei whakaetia:—

1. Ko enei whare ka pckapokaina:—

Te Waranga	Kei Mararuru
Rongomaihuatahi	„ Omaio
Te I kiwa o Rehua	„ Whakaruru
Te Ruamanawahonu	„ Maruobine-

[maka.

2. E rua nga whare tora e whakaaraha, a kua whakaetia kia pokaia:—

Torerenui a Rua	Kei Torere
He whare hou	„ Te Kaha

3. Kua whakaetia kia whakatapua te waiipiro i runga i nga hui e tu ki enei marae:—

Torere	Whakaruru
Te Kaha	Raukokore.

Ko Te Whanau a Apanui o Hawai tae mai ki Waiorore kei te whiriwhiri i ta ratou kupu mo tenei take.

He take hou ano i timataia atu e au i tenei takiwa,

1. Kia hainatia te pihimana i tuhia ki Taumata-o-Mihi, Waipapu e Te Komiti o te Kotahitanga, kia whakaakoria nga karaipiture ki nga tamariki o nga kura Maori o te rohe o Ngatiporou, Turanganui ki Tarakeha, i whakaetia tenei take e nga pa katoa a kua tata te tutuki o te haina i nga pukapuka.

2. Kia tonoa ki Te Kawanatanga kia tukua mai he mana ki nga komiti Maori ki te whiui e te tangata haurangi e tomo ana ki nga whare nunanga, e tukino ana ranei i nga marae o aua whare. I tautokona tenei take, a kua tae atu i Te Komiti o Te Aute ki te araro o te Kawanatanga.

No te taenga mai o Timi Kara ki Papawai, Wairarapa, i te 30 o Hune ka whakaatu ia i tona whakaaro, kia whakatuturia he komiti mo nga pa Maori hei tiaki, hei tohutohu, hei whakapai i nga kainga. Ka mea atu i reira, mehemea ka ara enei komiti, ko te mahi tuatahi tonu ma ratou ko te whakahaeere i nga tikanga peehi i te waiipiro.